

Resolušuvdna Digitála Ránnjááhkut - Digitale

Nabokjerringer konferánssa maŋŋá

Konferánssa Digitála Ránnjááhkut – Digitale Nabokjerringer lágiduvvui reakšuvdnan daid maŋjimuš jagiid polariserejuvvon digaštallamiidda sámi-dáru áššiid ektui, mas vuodđun guottuide ja ovdagáttuide sámevuoda ektui lea leamaš váilevaš gelbbolašvuohta ja árvvusatnin.

Romssas bohciidii vašši sápmelaččaide maŋŋá válgagičču digaštallamiid mat ledje Romssa suohkana sámi hálddašanguovllu searvama ja eretcealkima birra. Eará gávpogiin Davvi-Norggas leat šilttat sámegillii dagahan garra digaštallamiid mediain ja neahtas. Dáid digaštallamiid oktavuodas leat olu sápmelaččat vásihan vealaheami sin čearddaduogáža geažil.

Neahttadigaštallamat leat leamaš báidnojuvvon negatiiva guottuin sámevuoda ektui, man lea jáhkkan gulle vássánaigái, ja sápmelaččat leat šaddan bealuštit iežaset duogáža, identitehta ja kultuvrra.

Konferánssa lea geahččalan gávdat vástadusaid dasa mo sáhtta beassat eret dáid negatiivva guottuin ja ovdagáttuin mat leat sápmelaččaid ektui, ja mo sápmelaččat berrejit vástidit dákkár loavkidemiide almmolašvuođas.

Árgabeaivvirisisma sápmelaččaid ektui lea čatnon dasa ahte álbmogis lea unnán gelbbolašvuohta sámi kultuvrras ja historjjás, ja ahte gávdnojit ollu boasttu áddejumi ja ovdagáttut sápmelaččaid birra. Ná lea sihke oahpaheddjiid ja ohppiid gaskkas norgga skuvllas.

Makkár doaimbijuid galggašii bidjat johtui?

- Vai gelbbolašvuohta sámevuodas buorrána skuvllas, fertejit čállojuvvot eanet oahppogirjjit historjá- ja servodatfágas sihke sámegillii ja dárogillii. Dáin ferte leat

sámi perspektiiva ja áinnas galggašit leat sámi fágaolbmot geat leat čállán daid. Sihkkarastin dihte materiála kvalitehta berre Máhttodepartemeanttas ja Sámedikkis leat guovddáš rolla dán barggus.

- Berre ráhkaduvvot oahpahanfáddá sámi kultuvrra, identitehta ja historjjá birra mii galgá addojuvvot buot oahpaheaddjistudeanttaide Norggas. Romssa Universitehta lávga ovttasbargguin Máhttodepartemeanttain ja Romssa suohkaniin sáhtášii leat ovddasmannin, mii sáhtta leat minsttarin eará oahpaheaddjioahpahusaide riikkas ja gielddaide gos sápmelaččat ássat.
- Joatkkaoahpahus oahpahus- ja fuolahussuorggis sámi kultuvrras, identitehtas ja historjjás berre ovdánahttojuvvot ja addojuvvot buot bargiide gielddain gos ássat sápmelaččat.
- Berrešii ásahuvvot duohtavuodálávdegoddi, ja dán lávdegottis galgá leat ulbmilin árvoštallat cealkámušaid mat gusket sámi áššiide, ja cuoigut boasttuvuođaid ja váilevašvuodaid gos dat gávdnojit. Duohtavuodálávdegottis berrešii leat stáhtalaš dahje oktasaš davviriikkalaš jođiheapmi. Romssa suohkan berre vuolggaht dan. Okta oassi dán proseassas sáhtášii leat ásahit faktadiehtovuodu sámi kultuvrra birra, sihke historjjálaččat ja dálááiggis.
- Turistaealáhus ovddasta dávjá juoga man gohčodit "sámi kultuvran" muhto mii ii álo čájjet duohtavuoda doarvá buori láchkai. Sámi Allaskuvllas Guovdageainnus lea leamaš sertifiserenkursa mo ofelastit sámevuoda. Dát berrešii institušonaliserejuvvot buorebut.
- Museain lea stuorra rolla mii guoská sámi kultuvrra gaskkusteapmái, ja danne lea dehálaš ahte čájáhusat museain eai dušše čájjet historjjá, muhto maiddá ođđaáiggi

dili Sámis. Museat berrešit ođasmahttit sin sámi čájáhusaid, nu ahte dat leat ođasmahttojuvvon eanet sajiin go odne leat.

- Berrešii álggahuvvot ovttasbargu organisašuvnnain mat barget earret eará olmmošvuoigatvuođain, nuoraid vuoigatvuođain ja eamiálbmotvuoigatvuođain. Dássáži leat dát hui unnán deattuhan sámevuođa iežaset bargguid oktavuodas.

- Leat mánggas guđet eai dieđe ahte sáhtá sáddet dilálašvuođaid vásihuvvon vealaheamis Dásseárvu- ja vealahanáittardeaddjái (LDO), dan sáhtá dáhkat e-poastta bokte čujuhussii post@ldo.no, sáddet reive čujuhussii LDO, postboks 8048 Dep, 0031 Oslo, dahje neahttasiiddu bokte <http://ldo.no>. LDO ávžžuha maid buohkaid guđet leat vásihan vealaheami sáddet ášši sidjiide.

- Ferte ráhkaduvvot ollislaš strategiija daid negatiiva guottuid ektui ja ovddidan dihte buriid guottuid sápmelaččaid ektui eanetlogus.